



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბერო

ბერო, უღელტეხილი მესტიის მუნიციპალიტეტში, სვანეთის კავკასიონის მთავარ ქედზე, ნაკრისა (დონღუბორუნის) და შხელდის მთებს შორის. სიმაღლე 3375 მ. დაფარულია თოვლ-ყინულით (ჩრდ-ით – იუსენგის, სამხრ-ით – დოღორის მყინვარია). ბილიკი გადადის ენგურის ხეობიდან (მდ. დოღორის სათავეებიდან, მესტიის მუნიციპალიტეტი) ბაქსანის ხეობაში (მდ. იუსენგის სათავეებში, ყაბარდო-ბალყარეთი). ბ. სვანეთის კავკასიონის მთავარი ქედის სხვა უღელტეხილებთან შედარებით ტექნიკურად ადვილი გადასასვლელია, ამიტომ მას დიდი მნიშვნელობა აქვს ჩრდ. კავკასიასთან კავშირისათვის. სამიმოსვლოდ ხელსაყრელია ივნ. – აგვ. თვეებში.

მ. უთმელიძე
